

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" Nr. 145/10, 136/11, 41/2014, 41/2014, 53/16 dhe 83/18), si dhe duke vepruar sipas njoftimit për përqendrim i parashtruar nga Erste Bank Hungari Zrt. (Erste Bank Hunfary Zrt.) me seli në adresën 138 Budapest, Nipfurdo rr. 24-26. Hungari, përmes personit të autorizuar Bozhidar Millosheviq, avokat nga Shkupi, në seancën e mbajtur më 02.02.2022, merr këtë:

AKTVENDIM

Vërtetohet Se Përqendrimi që i referohet përfitimit të kontrollit të pavarur nga Erste Bank Hungari Zrt. (Erste Bank Hunfary Zrt.) me seli në adresën 138 Budapest, Nipfurdo rr. 24-26. Hungari, mbi Komerbank Hungari Zrt. (Commerzbank Hungary Zrt.), me seli në adresën X-1054 Budapest, Shiqenji rakpart 8, Hungari, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.

Parashtruesi i njoftimit për përqendrim obligohet që për njoftimin për përqendrim të paguaj taksë administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksa administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbimin e aktvendimit.

Arsyetim

Në përputhje të nenit 15 të Ligjit për mbrojtjen e konkurrencës, më 05.01.2022, i plotësuar më 17.01.2022, te Komisioni për Mbrojtjen e Konkurrencës (në tekstin e mëtejshëm: Komisioni) u dorëzua një njoftim për përqendrim nga Erste Bank Hungari Zrt. (Erste Bank Hunfary Zrt.) me seli në adresën 138 Budapest, Nipfurdo rr. 24-26. Hungari, ku Erste Bank Hungari Zrt do të përfitoj kontroll të pavarur mbi Komerbank Hungari Zrt. (Commerzbank Hungary Zrt.), me seli në adresën X-1054 Budapest, Shiqenji rakpart 8, Hungari, përmes shitblerjes së aksioneve.

Komisioni filloi shqyrtimin e Njoftimit nga dita e pranimit të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

Aktivitetet themelore të biznesit të ndërmarrjeve të përfshira:

Erste Bank Hungari Zrt. është pjesë e një grupi Erste shoqëri, e cila është një grup austriak i shërbimeve financiare që ofron shërbime bankare dhe financiare në Evropën Qendrore dhe Lindore.

Shoqëria udhëheqëse e Grupit të shoqërive Erste është Erste Grup Bank AG (Erste Group Bank AG), me seli në Am Belvedere, 1,1100 Vjenë, Austri.

Grupi i shoqërive Erste është një nga ofruesit më të mëdhenj të shërbimeve financiare në Evropën Qendrore dhe Lindore, me më shumë se 45,000 punonjës, më shumë se 16 milionë klientë përmes rrjetit të saj prej më shumë se 2100 filialeve.

Grupi i shoqërive Erste ka shoqëritë e mëposhtme në Maqedoninë e Veriut :

- Shparkase Banka SHA Shkup, Rr. Orce Nikolov nr. 54, Qendër, Shkup me veprimtari të regjistruar – ndërmjetësim tjetër monetar dhe e njëjta kryen aktivitete bankare në përputhje me Ligjin e bankave.
- Shparkase Lizing SHPK Shkup, Rr. Maqedonia nr. 34, Qendër, Shkup, me veprimtari të regjistruar –Lizing financiar dhe
- S-AMC 1 SHPKNJP Shkup, Rr. Maqedonia nr. 34 Qendër, Shkup, me veprimtari të regjistruar- blerje dhe shitje të pasuri të patundshme të tyre.

Komercbank Hungari Zrt. është një bankë komerciale që filloi me punë në Hungari në vitin 1993. Rrjeti i saj përbëhet me seli në Budapest dhe tre lokacione në Hungari, Gjer(Gvör), Keçkemmet (Kecskemét) dhe Mishkolc (Miskolc).

Komercbak ofron shërbime bankare dhe financiare për klientët afarist dhe për klientët e korporatave. Aktualisht është pjesë e grupit Komercbank. Shoqëria udhëheqëse e Komercbank e Komercbank AG (Commerzbank AG), me seli në Frankfurt të Majna, Gjermani.

Grupi Komercbank nuk ka shoqëri të regjistruara në Maqedoninë e Veriut(nuk ka përfaqësi/filiale).

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e*

rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURRENCËS
Prof. Dr. Владимир Наумовски